

PROGRAMMA

²⁴⁰
RECTOR

UNIVERSITATIS ROSTOCHIENSIS

JOANNES BAC-
MEISTERUS. D.

Med. & Sup. Math. P. P. Facult.

Med. Senior.

Ad

FESTUM
SANCTORUM
ANGELORUM

Summâ cum devotione recolendum

*Omnes & singulos Cives Academicos sedulò invitât,
serioqve hortatur.*



ROSTOCHL,
PRÆLO, WEPPLINGIANO, UNIV. TYPOGR.



Vemadmodum ad singula Majora Cere-
moniarum nostrarum Sacra admo-
nere vos, *Academia Civis*, pietatis ex hâc
Tabulâ consuevimus; ita quoq; præ-
senti MICHAELIS, sive potius æterni
Illius & cœlitus demissi ARCHANGE-
LI Festo die, ad seriam *Angelorum* divi-
næque tutelæ meditationem Vos co-
hortamur. Et omninò indigemus tali-
bus admonitionibus circa senile hujus Orbis frigus, ubi, ut
erga omnia alia, sic & sanctissimos *Angelos* debitus ardor
excussit animis; imò & memoria. S. *Angelorum* penitus in-
tercidisse videtur. Nec adeò paucos inter Mortales repe-
riri crediderim, qui cum ipsis Manichæis & Saducæis *Ange-
los* vel planè negant, vel tantum Motus seu cogitationes
bonas hominibus à DEO inspiratas, non verò res per se sub-
sistentes & *ipsæ* singularia esse asserunt. Rectius au-
tem illud ex *Sacris* docemur *Literis*, quæ non solum à DEO
conditos & creatos *Angelos* passim commemorant, sed &
ipsimet Apostoli V. T. historias, quibus *Angelos* DEI conspe-
ctos fuisse, DEUMq; per illos sua opera perfecisse, testatum
relinquitur, allegant: Nec non à semet ipsis etiam haut ra-
rò visos vel auditos, eorumque quosdam, non obstante,
quòd, teste Sacro dogmate, omnes primum creati essent
boni, & ornatî sapientiâ, justitia, & libertate voluntatis, præ-
nimia animi arrogantia Majestatem & Dominationem
summam affectantes, lapsos à veritate defecisse, seque &
juxta secum alios quam plurimos Vitæ æternæ indignos fe-
cisse, inque exitialem damnationem præcipitasse, neq; ul-
lam deinceps veniæ spem habere: alios autem in suâ justî-
tiâ & innocentia constantissimè perseverasse, inque con-
creatâ illâ bonitate ex merâ DEI gratiâ ita confirmatos esse,
ut imposterum eâ excidere & labi non possint, fideliter
com-

58700(31)



commemorant. De horum Creatione valdè ambigunt Theologi. *Hieronymus* quidem ante Mundi principia; *Augustinus* statim primo die, *alii* secundo die, *alii* tertio ex ceteris Scripturæ locis colligunt. Ipse verò cum aliis nostratis Religionis assertoribus illos in *hexaëmero*, seu sex illo dierum spatio, quo omnia sua opera, Coelum & Terram cum omni Exercitu eorum condidit & complevit DEUS, nec post creatos autumo: Et, ut incerti sumus, ex quâ materiâ constent, ita neq; scrupulosè, quem Scriptura tacet, indagare Creationis diem fas est: sufficit scire, Creationem illorum, quantumvis diem Creationis ignoramus. Magna insuper harum Creaturarum s. *Angelorum* est potentia, magna sapientia, utraq; tamen certis limitibus circumscripta, & ita comparata, ut & augeri & perfici queat. Licet enim unus duntaxat *Angelus* unâ nocte omnes primogenitos totius *Ægypti* perdiderit, inque populo *Davidis* uno triduo septuaginta virorum millia occiderit: non tamen ex suâ sibi propriâ virtute & potentiâ, sed à DEO concessâ & mandatâ potestate factum id est. Numerum *Angelorum* indicibilem esse vel ex historia *Jacobi Patriarchæ* patet, qui *Castra Angelorum* obviam habuit, & *Danielis*, qui millia millium & decies millies centena millia, & *Elisei*, qui integrum Exercitum eorum vidit. An vero singulis hominibus suus & certus *Angelus* in custodiam deputatus sit, ipsemet non dixerim: in eo certus, non unum tantum sed plures homini pio, prout requiritur, Custodes *Angelos* assignatos, vigore Psalm. XC. ubi legitur; *Angelis suis mandavit de te, ut custodiant te in omnibus viis tuis, & in manibus portent te.* Similiter Luc. XVI. v. 22. *Factum est, ut moreretur Mendicus & portaretur ab Angelis in sinum Abræ.* Nec minus salvator noster JESUS CHRISTUS ipse Matth. XIX. *Angelos parvulorum in Cælis perpetuò aspicere faciem patris sui*, dicit. Ut alia jam taceam S. Scripturæ loca, nec allegem, quæ vel *Platonici Academici*

)(2

de

de appositione cujusdam Spiritus, quam primum Homo in
hujus Mundi theatrum editus, cujus consilio regatur, au-
xilium regatur; vel etiam *Cabalistæ* recentiores de tribus di-
stinctis Hominis animabus ejusq; adjunctis s. bonis s. ma-
lis *Angelis*, prolixè quidem satis, destituti tamen omni fun-
damento, proferunt. Nostri officii potius erit præcavere, ne
boni *Angeli* tutelares à nobis auffugiant, quam scrupulosè
in numerum, quot eorum nos custodiant, inquirere. Ve-
rosimilè interim omnino est, inter tantam multitudinem,
tantumq; numerum *Angelorum* certos reperiri Gradus &
Ordines, non quidem ratione beatitudinis & æterni gaudii,
quod ex æquo omnibus commune, sed vel respectu dono-
rum, vel gloriæ, vel eminentiæ, claritatis, officiorum aut po-
tentia, eodem modo, uti & inter Electos gradus gloriæ
in alterà vita futuros credimus; quo procul dubio respexit
Paulus ad Coloss. 1. c. v. 16. scribens, Alios esse Thronos, alios
Dominationes, alios Principatus, alios Potestates. Ex quibus
Scriptor aliquis, quem *Dionysium Pontificii* vocant, &
Pauli Apostoli Discipulum fuisse gloriantur, quod tamen
non esse verum, Megalander noster *Lutherus* Comment: in
c. 3. Genes palam profitetur, multo minus illum nostrates
pro *Areopagita Dionysio* illo Atheniensis Ecclesiæ Episcopo,
reverà Pauli Discipulo, de quo Actor. XVII. agitur; nec pro
altero illo *Dionysio* Corinthiorum Episcopo Justini Marty-
ris *ὁνυζεῖω* magni nominis Viro; nec pro tertio *Dionysio*
Alexandrino Episcopo, Origenis Discipulo (tres enim hi
illustres Dionysii saltem apud Historicos Ecclesiasticos cele-
brantur) agnoscunt, sed alium aliquem recentem obscu-
rumq; Scriptorem monasticum fuisse statuunt, Novem or-
dines *Angelorum* & tres *Hierarchias* secundum nomina, quæ
S. Scriptura illis tribuit, constituit, ita ut prima *Hierarchia*
complactatur Thronos, Cherobinos & Seraphinos; altera Domi-
nationes, Virtutes & Potestates; tertia Principatus, Angelos &
Archang.

Archangelos. Ex his *Archangelos* ceteris veluti præesse & ad summa quæq; dignitatis mysteria explenda adhiberi inde statuunt, quia ad Mariam Virginem non gregarius aliquis *Angelus* sed *Arch Angelus* GABRIEL missus est. Quâ vero ratione inter, se distent isti Ordines, & quodnam cuiusq; sit officiû proprium, mirâ verborum explicant, cum hoc jam allegato Dionysio, Lombardus lib. 2. sentent. distinct. 9. & Thomas de Aquino part. 1. summ. Theol. quæst. 108. Ut jam nugastaceam ac deliramenta alia, quæ de IX. Angelorum ordinibus & divisis inter illos pro correspondentia præmiorum & meritorum beatarum animarum agminibus, à quibusdam proponuntur. Mirari interim satis non possim audaciam Gabrielis Barlette, quando in Homil. Michael: sequentibus verbis ordinem omnem cum annexis licentiose satis describere non erubescit. Primus, inquit, ordo est Angelorum, in quo ponuntur Virgines corpore & mente, de quibus dictum: Beati Mundi corde. Secundus ordo Archangelorum, in quo ponuntur Pœnitentes maximi. Tertius ordo Thronorum, in quo ponuntur Misericordes. Quartus ordo Dominantium, in quo ponuntur patientes in tribulationibus. Quintus ordo Potestatum, in quo ponuntur Contemplativi & boni religiosi, qui regulam ad Majorum suorum instituta servarunt. Sextus ordo Principatum, in quo ponuntur Prælati & personæ Ecclesiasticæ, Judices & Officiales qui iudicium ferunt. Septimus ordo est Virtutum, in quo ponuntur Virtuosi, omnibus Theologicis & Cardinalibus virtutibus præditi. Octavus ordo est Cherubinorum, in quo Prædicatores & Doctores, qui verbo & exemplo docuerant, ut Franciscus, Dominicus, Vincentius. Nonus ordo est Seraphinorum, in quo ponuntur ardentes charitate & amore DEI, ut Johannes Baptista & Apostoli. Super hos Angelorum choros nullus est nisi Maria. Hactenus Barletta. Verum quæ hæc est intestabilis & fallax licentia, imo subtilis Idolatria, fabulosam ineffabilis solique coelo noti ordinis Angelici Castrametationem, ac Throno-

rum, Dominationum, Seraphicam subordinationem definire. Non decet certè illorum differentiam extra Scripturas scrutari: quin potius cum *S. Augustino* nos ignorare fateamur, quomodo beatissima & superna illa Societas constituta, quæ personarum differentia, ut, cum omnes tanquam generali nomine *Angeli* nuncupentur, sint tamen & illic *Archangeli*, & utrum iidem *Archangeli* nominentur *Virtutes*, & quid inter sese distent illa vocabula quatuor, quibus universam istam Cœlestem Societatem Apostolus loco paulò antè citato comprehendisse videtur, dicant qui possunt, si tamen probare possunt, quod dicunt. Habent sanctissimi hi Spiritus, quod super hæc delira nugamenta illos extollit. Tota Scriptura Sacra excellentiæ SERAPHINORUM est monumentum. Univerſus Orbis CHERUBINORUM exosculatur præsidium. In *Angelorum* memoriâ tota comprehenditur *Scriptura*, tota *Creatura* & quæ unquam in imaginem suam *Hominem* Creator contulit, stupenda & tremenda mysteriis beneficia. Neque verò ita in hoc *Angelorum* Festo corusca illa *flammanum Angelorum* perlustranda sunt Castra, ut non ipsâ *inferni Pbalanges*, ipsi *Principes tenebrarum* mente penetrandi sint. Spiritus enim hi contaminati & perdit, cum, postquam à DEO Conditore, defecerunt, non solum omnibus ornamentis, quibus ante lapsum erant condecorati, privati, sed è contra ex malitia, mendaciis, simulationibus, dolis, fallaciis & ludificationibus sint compacti, confuti & compilati, nil nisi malum, amplectuntur, & eò, quicquid viriùm habent, referunt ut nos, qui sub Castris Divi MICHAELIS militamus, inde avertant, ad maleficia impellant, vanitatibus hujus Mundi inescant, laqueis voluptatum irretiant, & deniq; in *Gebernâ* secum trahant. Quod si hic vellem enumerare, quibus fraudibus, quibus technis, quibus dolis ac machinationibus Hostis hicce veteranus generis humani callidissimus & versutissimus Diabolus, qui etiam homicida & mendax in Sacro appellatur Codice, cum

suis Legionibus miseros nos Mortales seducere nobisq; imponere tenet, pagellæ hæ Programmati dicatæ vix sufficerent. Nemo certè tam sanctus & sapiens, quæ non aggredi, nemo tam validus & magnus, cui non infidias struere audeat Satanas, prout hoc ipsum Salvator noster CHRISTUS suo exemplo Matth. 4 docet. Audacissimus namque & impudentissimus est Spiritus, omnesq; dementandi artes tam perfecte edoctus, ut nullum agnoscat parem, multò minus superiorem. *Hinc Aurelianus Prudentius in Hymno ante somnum rectissime inter alia illum ita compellat.*

Procul esto pervicaci

Præstigiator astus

O tortuose serpens.

Qui mille per Meandros

Fraudesq; flexuosas

Agitas quæta Corda.

Et qui eas dementandi artes nesciret? Si enim Hannibali, si aliis veteran-
nis Ducibus stratagematum peritia inde aucta sit, quod ad XX. vel XXX. an-
nos in Castris continuò versati fuerint: quantum huic Veteratori versutiæ in-
herere creditis, quem non XX. aut C. annos, sed jam sex ferme annorum mil-
lia hoc bellum contra filium DEI, omnesque illos, qui huic Archiduci nomina
professi sunt, continuare novistis. *Projectus* quidem *est Draco ille magnus, Ser-
pens antiquus, qui vocatur Diabolus & Satanas, seductor Oecumenicus, ut. nunc
salus, potentia, & regnum sit DEI nostri & potestas Christi ejus,* secundum hodie
namlectionem Epistolicam desumptam ex Apocal. c. xii. Verum ne securi, in
hiberna, Castra ducamus, prohibet VÆ illud Apocalypticum, omnibus ter-
ræ marisque Incolis annunciatum. *Nam descendit Diabolus ad nos plenus ira
magna, ut qui sciat, paululum tempus habere.* Qui ergo sententiam de Diabo-
lo fictam & commentitiam derident, illos tandem aliquando ipsa experientia
aliud docebit. Quem admodum enim *Aristot.* venuste inquit, nolentem af-
sentire, quod ignis sit calidus, conjiciendum esse in ignem, donec vim flamma-
rum cum dolore & crutiatu sentiat: Sic illos Epicuri de grege porcos sinamus
Sardonium ridere risum, & Sathanam contemnere tantisper, donec ab eo com-
prehenso animadvertant, Diabolos esse haut falso perhiberi. Nos qui ex Sacra
& Prophana Historia scimus, & malos & bonos esse Angelos; illos nostros &
omnium piorum Hostes & persecutores maximos, hos ministros, amicos ac de-
fensores indefessos; jure merito hodie & omni tempore agimus gratias DEO
ter opt. maximo singulares, quod nobis hosce Principes designare voluerit,
qui non solum nos adversum insultus Leonis hujus rugientis, quærentis quos
absorbeat, protegerent, sed etiam ceu egregii doctores ac magistri suo ex-
emplo. prælucere, quorum sanctissimam disciplinam, & institutâ imitatio-
ne nos exprimentes eorum moribus nostros in omni vita conformaremus,
eumq; rogamus, ut porro nobis istos relinquat Custodes, qui circum nos, ve-
lut atrienses quidam accensi & apparitores sedulo congregati, nostro loco
adversariis omnibus resistent, nosq; tutos sistant, ut quisq; in functione sua
DEO grata, Reipubl. utilia, nobisq; omnibus & singulis salutaria dicamus
& faciamus. Pro quo voto obtinendo summè nobis opus est, ut inter nos &
tam candidas mentes perpetua voluntatum, studiorum sententiarumque sit
consecutio, in quo omnem amicitiae vim esse positam recte egregius Orator
statuit. Sed quænam sunt eorum Studia & voluntates? Hæc sunt: *Sobrietas, Ca-
ritas, Pictas, Pax, Veritas, Preces & Charitas.* Quocirca sumus *Temperantes, Mo-
desti*

deſti, Caſti, Pii, Pacifici, Veracis, indefinenter vivemus, & nos invicem bene dili-
gamus. Vitemus opera Carnis & ambulemus in Spiritu. Aspernemur liber-
tatem Carnis, quæ ſervitus eſt, & obediamus DEO, cui ſervire regnare eſt. Ve-
terum Sapientum quiſpiam dixit: *O Homo noli peccare, DEUS videt, Angelus*
adſtat, mors minatur, Diabolus accuſat, Conſcientia mordet, Infernus cruciat. Au-
rei hujus moniti memores ſemper cogitemus, nos vivere in conſpectu non tan-
tum Hominum, ſed ipſius Filii DEI, & Angelorum. Hi aſſident nobis, nobi-
ſcum ambulant, & ſervant nos, quam diu male vivendo non abiguntur. D. A-
poſtolus Paulus ad Corinth. c. XI. v. X. graviffime monet, ut Mulier pote-
ſtatem habeat ſupra caput propter Angelos. Hi enim Spiritus incompara-
biliter volunt, ut omnis ſcandalorum ſubmoveatur occaſio, quia ex renuda-
ta mulierum facie facillimè exoritur inflammatio, quæ inhabitationem S.
Sancti gratioſam turbat, & Angelorum cohabitationem lædit. Quanto vero
magis diſplicebit illis jam impudica ſeculi noſtri licentia, quia non Virgines
tantum ſubmotis velis in Eccleſiæ adita ad tremendorum myſteriorum ſacra-
rium involant, ſed etiam videntur eò inclinare Matronæ, à quibus caſtita-
tis exemplar jure exigas, quæ jam multam nuditatem frontibus, multos aditus
oculis patefecerunt, & quanta ſit aperta via inquinamenti ſclerum oſten-
dunt. Quot quantisq; velis nos omnes muniendi ſumus, ne eveniat aliquid,
quod Angelicam præſentiam poſſit offendere? Ubi velamina mentis, intelle-
ctus, voluntatis, reliquorumq; ſenſuum interiorum manent? quos nullo in-
digere velamine ille perſuaſum ſibi habeat, qui ſenſu caret. Aſurgamus nos,
CIVES ACADEMICI, ad cordatiora velamina. Sint illa non Virginum &
Matronarum mollia, per quæ ſæpè admittitur tentatio nequam, ſed omnes
armatura fortium, in quâ S. Angelis mirificè placemus. Agnoſcamus devotè
mente, quam fortiter *Militia Cæleſtis Monarcha MICHAEL* proximè præterla-
pſis ſeptimanis infenſiſſimorum Chriſtianorum hoſtium, Turcarum, Tartaro-
rum omniumque Barbarorum Exercitum horrendum ac ferè innumerabilem
tanto cum impetu in *Ungariam, Austriam, Moraviam &c.* irruentem, omnia depopu-
lentem, ipſam *Imperatoriâ ſedem Viennâ* obſidione cingentem & per varias
oppugnationes ferè expugnantem, nec non extrema toti Germaniæ minitantē,
unico quaſi ictu præter omnem omnium opinionem & expectationem fuderit,
& in nihilum quaſi redegerit, Hoſtium minas & molimina confuderit, omnem
animum eis ademerit, Conſilia Conſœderatorum ipſe direxerit, eorum dexteri-
tatem ſucceſſu inſperatō & ferè admirabili confirmaverit, omneq; inimico-
rum noſtrorum opprobrium Clementiſſimè à nobis averterit. A **DOMINO** fa-
ctum eſt illud, & eſt mirabilè in oculis noſtris, multorumque hominum ſen-
tentiis, ut nunc humili mente hilarique voce univerſi & ſinguli jure meritoq;
acclamemus. *DEO dirigente gloria, exequentibus Conſœderatis gratia* nullis ſe-
culis terminanda. Tuere, Clementiſſime DEUS, porro inter tot furores Sa-
tanæ hoſtiumque machinationes, Eccleſiæ & Academiæ noſtræ hoſpitiū An-
gelorum forti præſidio, ac contra omnes inſultus defende fortiter, ut, quo plu-
res periculorum aquæ inundant, eo majora capiat Academia hæc, Urbs totaq;
Provincia Mecklenburgica incrementa. P. P. Roſtochii ipſo **MICHA-**

ELIS die, ſub Sigillo Univerſitatis A, c12 12CLXXXIII.

